

宋
九
僧
詩

玉圃山衡學秘篋并書簽



九僧詩目錄

劔南希晝十八首

金華保暹二十五首

南越文兆十三首


天台行肇十六首

沃州簡長十七首

青城惟鳳十三首

淮南惠崇十一首

江東宇昭十二首



峨眉懷古九首

右九僧詩共一百三十四首

增廣

聖宋高僧詩選前集



錢塘陳

起編



希晝十八首

寄題武當郡守吏隱亭

郡亭傳吏隱閑自使君心
卷幕知來客懸燈見宿禽
茶煙逢石斷棋響入花深
會逐南帆便乘秋寄此吟

送信南歸雁宕山

千峯鄰積水秋勢遠相依
路在深雲裏人思絕

頂歸長天來月正危木度猿稀誰得同無念寥
寥此掩扉

懷廣南轉運陳學士狀元

極望隨南斗迢迢思欲迷春生桂嶺外人在海
門西殘日依山盡長天向水低遙知仙館夢夜
夜怯猿啼

書惠崇師房

詩名在四方獨此寄閑房故國一作寒濤潤春
城夜夢長禽聲沉遠木花影動回廊幾為分題

客殷勤掃石牀

斷碑

片玉侵寒折零文見斷蟲遠沉岡艸際半露漸
冰中跡著人何在年銷事已空惟聞壞陵柏相
吊起悲風

寄懷古

見說鷗陰僻人煙半雜羗秋深邊日短風勁曉
笳長樹勢分孤壘河流出遠荒遙知林下客吟
苦夜禪忘

留題承旨宋侍郎林亭

翰苑營嘉致到來山意深會茶多野客啼竹半
沙禽雪溜懸危石碁燈射遠林言詩素非苦虛
荅侍臣心

送嗣端東歸

或作南歸

遠念生泉石人中事欲銷卷衣城木落尋寺海
山遙帆影迷寒鴈經聲隱莫潮後期俱未定況
我鬢先凋

寄河陽察推駱員外

一本駱下有偃字

郡齋鄰少室夏木冷垂陰況是多閑日應懸長
卧心角當中島起牆背遠橋沉獨愛南樓月終
期宿此吟

送惟鳳之終南山

關內寒生早南山萬木凋長空人望絕積雪獨
尋遙靜息非同隱閑吟忽背樵幾侵峯頂月相
念起中宵

寄壽春使君陳學士

三處波濤郡連年輟謝公春齋山藥遍夜船海

書通樓潤星河露川寒鼓角風誰當刊惠政一
一古賢同

送從律之關中

西遊無舊識何處寄吟身客路秦關暮鄉心海
樹春河濤行不盡嶽翠望空新早晚回孤錫東
浮結近鄰

寄荅桂府黃殿院

桂水在天末登高生遠思來書逢歲闕去夢歷
峯危別浦珠全返空臺柏半衰詩成見新月幾

負郡齋期

送可倫赴廣南轉運凌使君見招

別語畏殘漏心懸瘴海邊回期無定日去路極
遙天苦霧沉山郭寒沙漲隰田幾宵尋使府清
話廢閑眠

早春闕下寄觀公

客心長念隱早晚解書招看月前期阻論山靜
會遙微陽生遠道殘雪下中宵坐見青門柳依
依又結條

送李堪

要地無深託飄然又出關
秋聲動羣木暮色起
千山岸草隨秋遠江雲入望閑
何宵發孤詠月冷洞庭間

送朱宸

別業滄波外秋風歸去心
玉繩天闕遠金柝海城深
素瑟沉幽意寒蠶共苦吟
鄰漁知有約乘月夜相尋

過巴峽

遠望知無極窮秋日向殘
孤泉瀉空白衆木倚雲寒
靜想猿啼苦危聞客過難
寸心寧可寄前去雪漫漫

句

曉天金馬路晚歲石霜心
贈學士山日秋光短江
虹晚影低寄人寄禪關樹老乞食塞城荒
贈門上人出楊文公談苑

保暹二十五首

江行

渺渺沉清際
回頭望即賒
幽禽飛共闊
野客汎無涯
浦暗微分樹
灘遙半漲沙
今宵應有月
重得宿蘆花

寄從弟

天外跡如萍
何人慰遠情
烟霄滯秋薦
水國廢春畊
旅夢寒應斷
吟髭白恐生
無因話消息
一鴈度江城

金陵懷古

石城秋月滿煙水冷蕭蕭戰氣悲千古歌聲散
六朝螢飛宮草暗霜白井梧凋竟日秦淮上思
賢莫可招

秋徑

杉竹清陰合閑行意有憑涼生初過雨靜極忽
歸僧蟲跡穿幽穴苔痕接斷稜翻思深隱處峯
頂下層層

宿宇昭師房

與我難忘舊多期宿此房眠雲歸未得靜夜話
空長草際沉螢影杉西月露光天明共無寐南
去水茫茫

途次望太行山

盤影遮空黑愁生入望賒高來難客路深去斷
人家翠死寒溪木香殘別洞花今宵何處宿山
口日將斜

書惟鳳師壁

草徑通深院秋來心更閑城中無舊識門外是

他山究寐生吟思持齋得病顏寒宵多約我靜
話出人間

石席

有狀卷不得閑齋惜夜長坐來消暑氣睡去入
秋鄉隱隱生寒骨沉沉發冷光何時遂深遁移
取置山房

重登文兆師水閣

重來久凭闌臨水景多閑高樹下殘照寒潮平
遠山夜吟長負宿秋病幾思閑早晚離城裏從

茲寄掩關

寄徐任

鄉園書久斷寒夜起歸心遠路秦關外啼猿劍
樹深貧游年暗改醉卧月空沉幾夕疎林下相
思廢靜吟

送簡上人之洛陽

閑身無所滯獨去背春城望越鄉心斷迎嵩隱
思生野禪依樹遠中飯傍泉清相府如投刺分
題有竺卿

寄白閣元貞

一聞歸白閣更不入長安絕頂無人上西風徹
夜寒懸崖乘雪度飛瀑過雲看應念馳名者青
門得路難

老僧

鬢毛垂似雪無語荅閑人擁衲坐終日浮生知
幾春乘船應夢越提錫記游秦半夜寒堂掩磬
聲聞四鄰

登蕪城古臺

無處堪高望城邊上古臺窮秋人獨立落日鴈
空回地險千峯出霜嚴萬木催遲吟不能下滿
眼是塵埃

寄行肇上人

舊隱湖西寺青青千萬峯來書度深雪歸夢斷
踈鐘開口與時背毛本論心似我慵流年共衰
鬢昨夜又聞蛩

送蔣白歸越

會稽連照水歸意兩何親山影到平地湖光生

四鄰虛牕寒對曉孤棹遠浮春未可從畊釣青
雲懶致身

書派河徐希秀才別業

渺渺渡頭路客心難解攜半空山遠近寒日水
東西漾浦魚罾小飛沙鴈陣低霜風起深夜只
是欠猿啼

秋居言懷

默默疏林下獨知秋氣濃半生猶是客昨夜更
聞蛩吟苦人成癖年衰日長慵終期拂衣去江

上有諸峯

早秋閑寄宇昭

牕虛枕簟明微覺早涼生深院無人語長松滴
雨聲詩來禪外得愁入靜中平遠念西林下相
思合慰情

憶松江

曾向長洲汎渺漫沉青空闊鳥飛難平沙杳杳
夜潮落別浦依依秋樹寒閑浸客亭浮去棹冷
淹漁屋漾垂竿歸心早晚懸帆到是處僧樓更

上看

寄洪州新建知縣張康

遠聽絃歌樂部封
放衙乘醉半踈慵
家辭南越無千里
縣管西山有幾峯
人望廢田禾影合
吏愁空獄蘚痕重
孺亭應更悲前事
煙草萋萋叫夜蛩

磻溪

不肯隨波自直鉤
一朝以道佐成周
後來亦有人於此
只把漁竿空白頭

送人自闕下歸天柱

却歸天柱峯前去
高謝浮名似了心
林下孤燈一聲磬
青猿啼斷白雲深

巴江秋夕

巴水寒聲去渺茫
半空雲樹落秋光
離人此夜和愁宿
不聽啼猿亦斷腸

書杭州西湖涉公堂

孤舟孤鶴與孤雲
湖上深居自不羣
高卧可能容一榻
青山西岸且平分

文兆十三首

幽圃

遠與村橋接深春積雨時蘭芳人未採花發
作蝶先知草密封閑徑林疎露短籬別來鋤久
廢身老恨歸遲

江上書懷寄希晝

扁舟宿江上脈脈興何窮吳楚十年客蒹葭一
夜風東林秋信斷南越石房空向此都忘寐君
應與我同

弔屈原呈王內翰

抱清誰可羣委質在湘濱今日不同楚無人更
似君滄波沉夜魄古廟聚寒雲弔罷踟躕處漁
歌忍獨聞

寄行肇上人

詩禪同所尚邂逅在長安為客閑相似趨時懶
一般分題秋閣迴對坐夜堂寒未遂歸山計流
年鬢已乾

送史館李學士任和州

事主惟公直承恩赴歷陽舟浮淮水遠路繞楚
山長館謁僧侵月郊迎吏蹋霜下車難久滯飛
詔即徵黃

寄保暹師

近聞高靜趣猶寄廣陵居夜會聽琴阻秋期看
月疎幾成歸越夢久絕入梁書四釋分題處年
年一榻虛

巴峽聞猿

倚棹望雲際寥寥出峽清心如無一事愁不在

三聲帶露諸峯迴懸空片月明何人同此聽徹
曉得詩成

送守昭師

相見又相別無言感倍興諸峯微下雪一路獨
行僧午飯烟村磬宵吟石屋燈他方人請住又
得繼南能

莎庭

萋萋從莎長淒涼雨乍晴窮秋閑客步落日亂
蛩鳴近接苔塔迥遙連竹徑平杖痕兼鶴跡來

往自縱橫

送惟鳳師之終南

終南關內見寒翠壘空虛明代誰招隱深秋自
卜居宵晴吟洞月日曉飯溪蔬此後嫌名出應
無入闕書

宿西山精舍

西山乘興宿靜稱寂寥心一徑杉松老三更雨
雪深草堂僧語息雲閣磬聲沉未遂長棲此雙
峯曉待尋

送簡長師之洛

動靜非常態超然西去心水期經洛聽雲約到
嵩吟齋訪烟村遠禪依竹寺深祇因風雅道相
府是知音

贈天柱山所禪老

幾年天柱居韜光外浮世禪心混沌先詩思雲
霞際山雪滌茶鐺谿泉濯祖毳富德鄙利徒貴
道輕權勢竹牖晴長開松扉夜不閉霜嚴庭樹
萎雨暴龕燈翳紅葉遇寒燒白頭逢暖剝終期

為近鄰清話素相契

行肇十六首

中秋對月

暮雨過寥廓江天正青蒼
列樹無殘陰積水有異光
幽蟲鳴欲徧宿鳥驚忽翔
永夜如至公鑑我吟清章

聽宇昭師琴

遙空雨初霽深徑蟬未鳴
忽品文王絃若聽宣尼聲
月色半峯出秋光四簷清
韻斷意轉冥塵心若為情

湘江有感上王內翰

達士絃性直佞人膠辭柔
靳尚一言巧靈均千古愁
孤蟾魄長在寒雲恨難收
空使湘江水至今無濁流

送希晝之九華

忽起塵外心跡謝人中
境雲去竹堂空鷺下秋池
靜野宿清溪深月在諸峯
頂日暮立長江遙看片帆影

卧病吟

杉窻秋氣深入夜四簷雨
枕冷夢忽醒獨對孤燈語
流螢隱回廊驚鴻度寒渚
空令一寸心悠悠生萬縷

送惟鳳之衡陽

重城獨隱居世人寡相識
回塘路寂寥深徑花狼藉
西風思忽生南泉語還憶
遙山去意長大江歸夢直
日暮立荒原迢迢望空碧

汎若耶溪

霽雨牽野情孤舟遂茲賞
接水連遠空落日垂

萬象岸迴雲獨隨山轉泉更響望望極寒源由
言放輕槩

送從律師西遊

蟄鱗伺新春望極融融歸驚禽別舊巢念遠遲
遲飛吁君腹至業歲故志獨違心絃世寡聽意
鑑古亦稀出關自荷篋入秦扣誰扉埃日若忽
失風雨遠漸微將看吐虹章吟謝仙掌輝

寄終南种徵君

紫閣浮清漢高眠稱此心住溪人未識歸路鶴

知深峯晚迴寒翠猿孤發夜吟霜天獨西向無
復夢山陰

送簡師南遊

古岸侵烟出揚帆拂署星層城關海日列樹隱
沙汀潮落家遙見梅香檝暫停舊峯歸許晚長
憶隔吳青

郊居吟

靜室簾孤卷幽光墜露多徑寒杉影轉窻晚雪
聲過茗味沙泉合鑪香竹靄和遙懷起深風一作雨

夕舊寺隔滄波

送懷古師歸蜀

山落雲陽外去程寒接巴劍水連漢直棧閣挂
空斜聽錫樵停斧窺禪鳥立槎舊房春到晚深
徑始開花

送文兆歸廬山

劍峯雙倚漢蕩漿月中歸潮白島西出帆孤岸
際飛香連潭影直磬度雪聲微幾夕吟詩坐相
思入定稀

酬贈夢真上人

禪舍因吟往晴來坐徹宵春通三徑晚家別九
江遙策重禽初宿窻明葉旋飄佳期應未定謝
守有詩招

青社凌史君
以詩見招

送蒲奉禮之鄞江

官舍仙山裏全家去若歸江聲鼉背出帆影斗
邊飛宿館荷香接吟亭島色圍前秋賞明月況
對謝玄暉

兼簡典郡
太原史君

送文光上人西遊

高木墜殘霖關河入遠心
高遊忘楚夢華近識
秦音塔古懸圖認碑荒背燒尋
幾思興替事獨
上灞陵吟

簡長十七首

夜感

無眠動歸心寒燈坐將滅
長恐浮雲生奪我西
窻月

懷盧叔微

病起啟秋匣素琴生塵埃
朱絃愁零落古意空
徘徊子期不我至獨上高高臺

贈峽山清倫師

褰衣汲靈水混滌巾履塵煙靄
霽杉竹澄凝此

心神高僧灑真雨澤彼寒草春華月寫空印清
霜肅齋身猶言振金策歸作耶溪鄰

步春謠

春景欲饒物客心獨優柔藉茲徘徊芳強起窳
冥遊新愁來易積舊歡去難收步春不得侶不
如步高秋

送方仲荀

行客心如何借劍為君歌雨昏山未開花盡春
無多欲知貧別情義淚空滂沱

晚次江陵

楚路接江陵倦行愁問程異鄉無舊識多難足
離情落日懸秋樹寒蕪上廢城前山不可望斷
續暮猿聲

書行肇師壁

禪徑秋苔合寒窻帶雨痕心真冥自契句好與
誰論露冷蛩聲咽風微葉影翻白雲如有意終
日在前軒

寄丁學士

想極南溟外江園草樹秋浮生如寄夢幾夕是
離愁仙館閑明月星車背遠流祇應西掖吏時
復望滄洲

李氏山莊留別

鶴氅輕冠冕誰人不羨君松齋秋掩月石竇醉
眠雲遠墅窰煙合寒原驛路分前行鞭瘦馬餘
恨暫離羣

贈郝禮丞

住近城西寺門無俗客登朝回簾捲雪吟冷硯

生冰鳥影罇中過茶煙竹際凝遙思來夜月虛
閣與誰凭

感王太守見訪

行春擁隼旗十里訪禪居煮茗沙泉白調琴竹
閣虛致君公望重對客宦情踈向夕回軒冕林
僧識佩魚

宿許山人別業

嵐霽景初分溪橋對石門犬聲知遠客燒影見
前村古木秋生菌空山夜荅猿幾因留我宿靜

話極詩源

送僧南歸

漸老念鄉國先歸獨羨君
吳山全接漢江樹半藏雲
振錫林煙斷添瓶澗月分
重樓上方夜孤狖雪中聞

送居壽師西遊

迢遰咸秦路東風送子遊
幾程看日落孤影背河流
古戍煙微斂遙峯雨半收
行行吟此景應不念滄洲

送行禪師

南國山重疊歸心向石門
寄禪依鳥道絕食過漁村
楚雪粘餅凍江沙濺衲昏
白雲深隱處枕上海濤翻

送僧遊五臺山

五峯橫絕漢寒翠倚蒼冥
積雪無煩暑高杉礙落星
磧雲簷外見邊角坐中聽
師到栖禪夜龍湫獨灌餅

暮春言懷寄浙東轉運黃工部

花落前林春又殘
舍深蒼翠擁柴關
十年霜雪獨為客
萬里夢魂空到山
溪竹舊憐同性直
嶺雲終約伴身閑
遙思謝傅多公暇
應徧留題水石間

寄雲水禪師見雲門志畧

千峯聳寒翠
古剎凌秋雲
高人斂幽迹
世事何由聞
禪石抱蒼蘚
祖衣含淨氛
有時溪上步
自與鳥猿羣

句送人歸寧州
見談苑

烟壘沉寒角
霜空擊怒雕

惟鳳十三首 号持正有風雅拾翠圖

與行肇師宿廬山棲賢寺

冰瀑寒侵室圍鑪靜話長詩心全大雅祖意會
諸方磬斷危杉月燈殘古塔霜無眠向遙夕又
約去衡陽

送史館李學士任和州

歷陽南望極岸遠石城危去夢驚潮斷行吟見
鴈隨淮帆向風濶楚木落秋遲到日應閑卧公
心帝自知

荅宇昭師

要地無閑日吟蹤肯暫過
林泉歸計晚雨雪向
春多徑僻稀來客庭荒
半長莎獨眠思舊約寒
夢繞烟蘿

寄登封宰韓殿丞

前秋登閣晚吟次見晴雲
中嶽聳當縣三年靜
對君朱衣借客典清俸
買書分別後逢搖落相
思隔晉汾

送陳豸處士

草長開路微離思更依依
家遠知琴在時清買
劍歸孤城回短角獨樹
隔殘暉別有鄰漁約相
迎掃釣磯

寄希晝

閑中吟鬢改多事與心違
客路逢人少家書入
闕稀秋聲落晚木夜魄
透寒衣幾想林間社他
年許共歸

留題河中柴給事望雲亭

郡閑思退隱嘉致望雲秋
舊客容誰訪新詩許

我留棊窻寒日短琴幌夜燈幽青瑣無歸夢期
僧話沃洲

秋燈

耿耿銷深暗孤窻豈暫忘照回秋夢斷靜引夜
吟長病鼠驚空穴寒螢聚缺墻鄰居還共惜及
物有餘光

寄昭文館陳學士

秋深荒外客獨上望京臺遠信未封去新鴻又
見來地寒邊樹短天靜瘴雲開無限心相向南

宮卧錦才

送徐涉南歸

長安來鴈急相顧話離心日落思家遠天寒歸
路深秋光生獨樹夕吹響孤砧漸入雲鄉望應
無越客吟

弔長禪師

霜鍾侵漏急相弔曉悲濃海客傳遺碣林僧寫
病容漱泉流落葉定石集鳴蛩回首雲門望殘
陽下遠峯

寄兆上人

久負中條約，深秋興若何。
白雲歸望遠，黃葉意空多。
靜卧侵仙掌，微吟隔楚波。
飛書答招隱，迢遞寄煙蘿。

姑射山詩題曾山人壁

東西望朔漠，姑射獨崔嵬。
一片兩片雲，終南太華來。
根繞黃河曲，影落清渭隈。
深澗飲渴虹，邃洞生秋雷。
古經窮難盡，晴嵐撥不開。
海鵬飛上遲，邊風勁觸回。
微隱非他古，依靈有竒才。
曾生

心若何猿聲終夜哀

句

艸檄飛燕壘，降幡入漢宮。
邊岸盡吳山，出潮平越樹。
低送人歸寺，近東溟日山。
連北固，春露招提。
見歷代

惠崇十一首

宋子京其詩集

以書託梵才大師編

訪楊雲師淮上別墅

地近得頻到相携向野亭
河分岡勢斷春入燒痕青
望久人收釣吟餘鶴振翎
不愁歸路晚明月上前汀

塞上贈王太尉

飛將是嫖姚行營已近遼
河冰堅度馬塞雪密藏鵬
敗虜殘旗在全軍列帳遙
傳呼更號令今夜取天驕

贈文兆

偶依京寺住誰復得相尋
獨鶴窺朝講鄰僧聽
夜琴注瓶沙井遠鳴磬雪
房深久與松蘿別空
懸王屋心

送安學士守睦州

白浪滿遙程公衙白浪聲
海帆通夜市山雨徧
春畊古意隨琴遠離愁對
酒輕三吳窺列宿知
傍隼旗明

贈吳黔山人

三年不下岳衣屨古苔侵
石澗探幽步風泉得
句心黃猿知日暝青樹覺
春深又向南峯住時
時許我尋

晚夏夜簡程至

中夕坐清簟繁星時復流
扇聲微變暑井氣忽
生秋為客方經楚思鄉欲
上樓雲山殊未返相
顧兩悠悠

書林逸人壁

詩語動驚衆誰知慕隱淪
水煙常似暝林雪乍

如春薄酒懶邀客好書愁借人有時行藥去忘却戴紗巾

古塞曲

邊風久不息戍鼓何鏗鏗五月無青草滂沱流
斷冰胡兒昧形勝漢騎恣憑陵出號朔風起受
降沙壘崩樓煩已納款天意効威棱歸佩封侯
印喧然世所稱

剡中秋懷畫師

秋生剡江瀆清氣日泱泱雲歸樹欲無潮落山

疑長偶坐還獨謔故人在遐想夕景孤嶼明暗
蟲四鄰響神會如目存安知途路廣

擬古

幽禽迎曙響佳木含春榮獨有綺窗婦耿耿萬
里情塵色皓駕幌日華明風箏高蓋久不返中
宵自懷貞

中夜起

初月不到曉夜色何冥冥獨立秋江上風波卷
寒星

蜀道書懷漁洋詩話

漢都臨險道一路入寒岑
弔古停輕棹思家撫短琴
人遊曲江少草入未央
深日夕鳴舷去子規啼遠林

贈文兆

古院生秋草禪扉鎖斷煙
翻書臨澗石待鶴睇秋天鄰
衲司吟卷門生致酒錢
十年敦舊好相過一欣然

池上驚分賦得明字

雨絕方塘溢遲徊不復驚
曝翎沙日暖引步島風清
照水千尋迴樓煙一點明
主人池上鳳見爾憶蓬瀛

句

河分岡勢斷春入燒痕青
書楊雲陰井生秋早
明河轉曙遲張信地形吞蜀盡
江勢抱蠻迴送上人嶺暮春
猿急江寒白鳥稀江行歸禽動
疎西遊果響寒塘上
谷相公野人傳相鶴山吏學
彈琴贈陳六香淺水生井
宵分月上軒夜掩門

青檜老出定白髭長贈上人浪經蛟浦濶山入鬼

門寒送客遷遺偈傳諸國留真在一峯經綠公河

冰堅度馬塞雪密藏雕塞久別年顏改相逢夜

話長喜長公至多年不道姓幾日旋移家隱者鳥歸杉

墮雪僧定石沉雲宿東露寺寒金掌重天近玉繩

低上翰林著書驚日短彈劍惜春深柳氏探騎

通番壘降兵逐漢旗上尉露下牛羊靜河明桑

柘空秋夕林斷城隍出江分島嶼迴舟鎖城山

月上吹角海鷗驚寄蘇州卷幔來風遠移牀得月

多宿楊侍御東亭白浪分吳國青山隔楚天送程空潭

聞鹿飲踈樹見僧行靜寺隱劍佩明山雪旌旗濕

海雲奉送錢巡警曠野行人少長河去鳥平梅鼎臣

月高山舍迴霜落石門深宿肇公霜多秦木迴

雲盡漢山孤送盧經夜閒潮動舸秋迴月臨城

濠梁葉落風中盡蟲聲月下多崔仰行縣山迎

舸論兵雲繞旗贈裴君繁霜衣上積殘月馬前低

早磬斷禽聲出峰迴鶴影沉秋夕移家臨醜石租

地得靈泉書韓退之屋壁秋近草蟲亂夜遙霜月低秋夕

懷長海鷗聽舜舞山鬼醉堯觴鄉老中食下林
公夜禪移冢狐贈素扇聲猶泛暑井氣忽生秋
晚殘月楚山曉孤烟江廟春江行梵容分古象
夏語入新經宿翻經館鶴傳滄海信僧和白雲
唐題王道寒禽棲古柳破月入微雲秋夕懷花
詩保道院月雲衣起海風贈白樓中天姥月座上
漏沉山喜陳人歸岡舍迥雁過渚田遙野望山
少陵人助至人歸岡舍迥雁過渚田遙野望山
色臨巴迴江流入漢清送舟湘雲隨雁斷楚路
背人遙道中松風吹髮亂巖溜濺碁寒贈李境

閒僧渡水雲盡鶴盤空栖霞古路隨岡起秋帆
轉浦斜林逋禽寒時動竹露盡忽翻荷楊秘監
嵐重琴棋溼風長枕簟寒魏野離磧雁衝雪渡
河人上冰塞夜梵通雲竇秋香滿石叢寄白閣
關河雙髻白風雪一燈青陝西殺氣生龍劍威
風動虎旗送防秋落潮鳴下岸飛雨暗中峯瓜
亭月纏黃道迥春入紫微深賀劉寒燈催臘盡
曉角喚春歸除雁行沉古戍鷗影轉寒沙幽并
景霽雲迴合秋生樹動搖送僧歸亂水僧頻過

林荒鶴不還過陳搏露館濤驚枕空庭月伴琴

宿臨馬渡河水潤鵬盤磧石高維邢驚蟬移古

柳門雀墮寒庭國清寺松風傳夕磬溪霧擁春

燈書平上霓旌搖曙景鳳吹繞青雲觀南仗出

石雲生岫添泉月入瓶贈義省萬國無刑治三

邊不戰平昇平暝鶴棲金刹秋僧過石橋國清

雲殘松掃石風動鶴歸巢呂氏風暖鳥巢木日

高人灌園幽居竹風驚宿鶴潭月戲春鷺楊都

上圭竇先知曉盆池別見天書方居鶴驚金刹

露龍蟄玉瓶泉宿齊上暄風生木末暮景入泉

心贊春日寇公河來天上濶雲度月邊輕夕海人

來相鶴山狄下彈琴贈王畫鷁浮秋浪金鏡響

夕雲送孫月露踈寒柝雲濤閃畫旂送陳舍丹

楓映郭迴綠嶼背江深晚望危溜含清瑟飛花

點玉觴題王太朱旗凌雪捲盡角入雲吹送李

孤雲還靜境遠籟發秋空旦上人圍棋分雪石

汲井動金沙李太博井寒春氣碧樓轉夕陰清

宮中鳥暝風沉角天清月上旗送吳斜吹鳴金

錫歸雲擁石牀寄肇公古戍生烟直平沙落日遲
塞拂石雲離帝嘗茶月入鐙嗣上人上遠嶼迎檣出
寒林帶岸迴舟行來時雲擁衲別夜月隨筇上人送
路橫岡州斷風轉浦帆斜淮亭劍靜龍歸匣旗
閒虎繞竿上殿前品畫逢名岳橫琴憶古賢高
齋雲陰移漢塞石色入秦天太乙地遙群馬小
天濶一鷗平塞上人江花臨霰發山溜入池深范
園長風躍馬路小雪射鷗天獵古木風烟盡寒
潭星斗深高畧渡河風動旆巡部雨霑車送段
工部

河北轉運。○自定摘句圖見青箱雜記按歐公詩話
惠崇詩多佳句有百句圖刊石于長安

宇昭十二首

夕陽

向夕江天迥微微接水平帶帆歸極浦隨客上
荒城雲外僧看落山西鳥過明何人對幽景
苒苒敗沙并

塞上贈王太尉

嫖姚立大勳萬里絕妖氛馬放降來地鷗閑戰
後雲月侵孤壘沒燒徹遠蕪分不慣為邊客宵
笳懶欲聞

宿丁學士宅朱巖希晝不至

幽期不可見
牢落望君情
坐久詩源寂
談餘井浪平
月依寒木盡
蛩背冷燈鳴
空聽溝西寺
宵鍾出禁清

廢井

古院無僧住
荒涼樹石間
停汙寒甃缺
廢汲遠泉慳
雨漲蛙疑聚
宵晴月自還
因尋成獨感
吟遶見衰顏

送曹商之宿州兼簡賂偃

病起春城暮
行心暗結愁
全吳無舊業
半世祇羈遊
島霧沈晴樹
汀煙入夜舟
故人應老大
佐幕久淹流

寄保暹師

吟會失秋期
荒山寄病時
客鬢生白早
叢木落青遲
渴飲窺莎井
陰蟲占菊籬
歸心何以見
霜月下天涯

上集賢錢侍郎

解職因求養
清名冠集賢
優遊書府裏
談笑板

輿前鶴斃朝時脫山圖卧處懸江僧閑獨訪時
得話林泉

喜惟鳳師關中回

孤錫依京寺詩愁上鬢新跡離三輔晚夢繞九
江頻草入松根井磬通花外鄰重來知未倦閒
趣自相親

松柄

澗底分貞榦寧將麈尾同坐間長滴翠話次忽
生風影落孤燈外聲寒靜室中有誰知此意林

下石叢叢

幽居即事

掃苔人跡外漸老喜深藏路僻閑行遠春晴晝
睡長餘花留暮蝶幽草戀殘陽盡日空林下孤
禪念石霜

送從律師

病起辭吟社出京無舊房關中行半月詩外祇
空囊白道沿嵩直青蕪夾渭長勝遊多杜曲風
景似吾鄉

贈魏野

別業惟栽竹多閑亦好奇試泉尋寺遠買鶴到家遲藥就全離母詩高祇教兒未能終住此共有海山期

曉發山居

見瀛奎律髓

葍食小人家寒燈碎落花雞鳴窗半曉路暗月西斜世故欺懷抱風霜近歲華劇憐詩思苦悽惻向長沙

懷古九首

送田錫下第歸寧

念別孤親久無成萬里歸算程芳草盡去國故人稀棧閣浮空險刀州入望微前期有公薦莫愧老萊衣

原居早秋

秋生深徑裏老病眼慵開戶外行人絕林間朔吹回亂蛩鳴古塹殘日照荒臺惟有他山約相親入望來

聞蛩

幽蟲侵暮急，斷續苦相親。
夜魄沉荒壘，寒聲出壤鄰。
霜清空思切，秋永幾愁新。
徒感流年鬢，莖莖暗結銀。

寺居寄簡長

雪苑東山寺，山深少往還。
紅塵無夢想，白日自安閑。
杖履苔花上，香燈樹影間。
何須更飛錫，歸隱沃洲山。

灞陵秋居酬友人見寄

灞陵秋負期，獨客自懷悲。
遠水去無極，離人來幾時。
暝烟沉古道，寒日墮喬枝。
寄信遙天外，殷勤說白髭。

草

漠漠更離離，閑吟笑復悲。
六朝爭戰處，千載寂寥時。
陣濶圍空壘，叢疎露短碑。
不堪殘照外，牧笛隔煙吹。

贈萬年胡主簿

廉可繼懸魚，官清術有餘。
民田侵廢苑，公署似

閑居草長通囹圄花飛落簿書見君松操直經
考只如初

爛柯山二首

仙家輕歲月浮世重光陰白髮有先後青山無
古今局終柯已爛塵散海尤深若覓長生路煙
霞無處尋

王質爛柯事傳聞不在疑百年容易客一局等
閒棋此著有誰見無言祇自知石橋南畔路依
舊日斜暉

霧開離艸迥風逆到花遲

句

詠蝶。見
深雪偶談



吾郡詩人陸鐵簫先生向有九僧詩一帙據毛
本而又加以各本校勘故前題云梅葉閣校正
也知余新收汲古閣影宋本宋高僧詩選其前
集即九僧詩因屬為校正余手勘如右自標題
以至行款一一注明倘欲窺宋本面目可即是
以求矣宋本之異同悉為校出而其避諱之缺
筆亦復注明唯是所寫字體略為校改一二蓋
此抄出於傳錄非影寫可比不能如舊時宋本
點畫矣倘後日重梓標題或不遵宋本名色其

序次行款必當如舊而每僧後有續補篇什及
摘句皆當一一退居卷末別為補遺一卷至摘
句之已為本書有者亦不容刪去蓋其所摘自
為一出處也至從他本校補各條亦應退後為
攷异一卷與補遺同例前人跋語別為附錄校
訖附數語以與梅葉先生商之復翁黃丕烈識

歐公當日以九僧詩不傳為嘆宸後公六百餘
年得宋本弃而讀之一幸也較之晁陳二氏皆
多得詩二十餘首二幸也晁公武郡齋讀書志
篇陳直齋書錄解題一百七首今宸所得一百十
三十四首比晁多二十四首比陳多二十七首
此本但有僧名而不著所產又從周暉清波雜
志各得其地名三幸也又從瀛奎律髓得宇昭
曉發山居一首并為增入但陳克序目之曰琢
玉工以對姚合射雕手者此本無之誠欠事也
方虛谷謂司馬溫公得之以傳世則此書賴大

賢而表章之豈非千古幸事哉雜志又謂序引崇到長安人遊曲江少艸入未央深之句此亦無之且謂崇能畫引荆公詩為據讀瀛奎律髓有宋景文公過惠崇舊居詩又讀楊仲宏集有題惠崇古木寒鴉詩并歐公詩註清波雜志二則附錄於左

康熙壬辰三月聖日隱湖毛扆斧季識

國朝浮圖以詩名於世者九人故時有集號九僧詩今不復傳矣余少時聞人多稱其一曰惠

崇餘八人忘其名字也余亦略記其詩有馬牧降來地鷗盤戰後雲又云春生桂嶺外人在海門西其佳句多類此其集已亡今人多不知有所謂九僧詩者矣是可嘆也

見六詩話一

暉昔傳九僧詩劔南希畫金華保暹南越文兆

天台行肇沃州簡長青城惟鳳江東宇昭峨眉懷古淮南惠崇也九僧詩極不多得景德五年直史館陳充所著序引如崇到長安人遊曲江少草入未央深之句皆不載以是疑為節本崇

非但能詩畫亦有名世謂惠崇小景者是也畫
史紛紛何足數惠崇晚出吾輩許荆公詩云爾

見周暉清波雜
志第十一卷

雖昧平生契懷賢更可傷生涯與盡法意共

燈長遺畫空觀貌殘詩孰補元注師詩稿數卷惟有

神奇通一語無乃困津梁元注予為郡之紀矣師

方虛谷云景文年四十四初得郡壽陽惠崇舊

居也○宋景文過惠崇舊

江上秋雲薄寒鴉散亂飛未明常競噪向晚復

爭歸似怯霜威重仍嫌樹影稀老僧修止觀寫

物固精微楊仲弘題惠崇古木寒

九僧詩在宋屢為難得汲古主人更六七百年

得見誠為幸事况所傳本視直齋公武所見又

多二三十首宜跋語之色飛而神動也第汲古

佳鈔以謹守宋槧之舊推重士林而此本首據

清波雜誌九僧各冠地里又以瀛奎律髓一篇

添入宇昭之下則與宋槧稍齟齬矣余謂清波

一條既載跋後則卷首地里自當刪去而瀛奎

一篇宜列毛公跋後以還宋本舊觀以裨汲古
主人好古之萬一或不至以此獲罪於當世諸
君子也九僧詩入有唐中葉錢劉韋柳之室而
浸淫輞川襄陽之間其視白蓮杼山有過無不
及然山谷所稱雲中下蔡邑林際春申君此集
不載而惠崇自定句圖五字百聯入此集者亦
不及十之二三使汲古主人聞之則欣躍之餘
更當助我浩歎矣

乙未冬初假滋蘭堂藏本錄畢記之古農

余蕭客

歐陽公云九僧詩集已亡元豐元年秋余遊萬
安山玉泉寺於進士閔文如舍得之直昭文館
陳充集而序之溫公詩話

寇萊公延詩僧惠崇于池亭探闢分題萊公得
池上柳青字韻崇得池上鷺明字韻崇默繞池
逕馳心杳冥以搜之自午及晡以二指點空微
笑曰此篇功在明字凡五押俱不到方今得之
公曰試請口舉崇舉詩云云公笑曰吾之柳功

在青字已四押之終未愜不如且罷湘山野錄
黃堯圃先生宋本每葉二十行行十八字各僧
另起名低二格題低三格此以墨筆依錄惟行
數不符其補遺詩句筆畫非宋本所有者以硃
筆別之陸本經堯翁改者如其間遺偈改遺碣
滹沱改滂沱淹留改淹流依宋本字不可以文
義爭也閒改閑裏改裏艸改草依宋本體不可
以六書繩也其避諱懸缺心字末點獨寄駱員
外詩缺系字末點堯翁標明有此例矣乃樹字

皆缺末點獨江行詩內不避封字皆不避獨幽
圃詩內缺末點均堯翁特注何也他若前岳改
嶽後嶽改岳前後皆鄰獨送蔣白詩內改隣前
後皆宇昭獨文兆送宇昭師一首改宇昭且上
標云案宇字誤尤屬不解至送簡師南遊曙改
署餘或漏失使君改史君注明宋式可無疑矣
本內頗不能全改然觀其會改會峰改峯館改
館濶改闊迴改回迹改跡消改銷羗改羗况改
况彫改凋臥改卧幾改幾定改定群改羣咏改

詠賒改賒荐改薦雁改鴈回改因陰改陰憑改
憑涼改涼來改來壁改壁狀改狀卷改卷從改
從疏改疎所改所髮改髮臺改臺罾改罾卻改
却猿改猿聽改聽采改採趨改趨淒改淒杖改
杖蔬改蔬世改世牖改牖煖改暖遍改徧厝改
尼韵改韻檐改簷谿改溪鰲改鰲烟改煙逕改
徑樽改罇通改滯昏改昏邊改邊棲改栖爐改
鑪葉改葉傲改傲逵改遼倚改傍鐘改鍾繞改
遶游改遊莖改莖處改處覓改覓祇改祇綜而

核之推而廣之宋本之字體約略可知矣至毛
本原文為宋本校易及眉頭引別本者列如左

見說鵬毛本陰僻風勁律動曉笳長遠
念毛本生泉石牆毛本背遠橋沉送從
律之毛本關中去夢歷毛本峰危送可
倫赴廣南轉運凌使君見招一本作凌早
晚解毛本書招重得一本見宿蘆花烟霄
滯秋薦一本一鴈度毛本江城眠一本
雲歸未得沉沉發冷毛本光望越毛本

鄉心斷野禪依樹遠靜毛樹本放衙乘毛本

醉半踈慵下車難久滯毛本住本

兩岸且平分年年一榻虛諸峯微

下毛本微雪又得繼毛本寄本南能淒涼雨乍

淒毛本乍雨晴宵毛本晴吟洞月一徑杉松

毛本老佞人膠辭毛本亂本柔重城毛本獨

隱居望望極寒源毛本原本吟一作本謝仙掌

輝列一作本獨樹隱沙汀劍水連泉投漢直

聽毛本錫樵停斧窺禪人毛本鳥立槎孤舟

遂一作本逐茲賞褰衣汲靈水毛本泉本猶言振

金策錫毛本強起寂寞寥毛本遊星車一作本居本

背遠流遠墅一作本野窰煙合清俸買毛本置本

書分嘉毛本喜致望雲秋寒螢毛本聚缺

墻送徐涉一作本陟本南歸海客傳遺碣毛本偈本

古經疑窮毛本尋本難盡偶依京寺毛本口本住

知毛本如本傍隼旗明衣履屢毛本古苔侵

扇聲微變猶毛本泛本暑滂毛本沱流斷冰漢

騎毛本恣憑陵馬放一作本牧降來地鷓閑毛本

盤戰後雲 空聽溝一作講本西寺 佐幕久淹
流毛本渴狄窺莎毛本井 關一作本中行
半月 無成毛本萬里歸 秋生毛本深徑
裏 杖履苔花毛本上 何須更飛錫毛本
寒日 食毛本墮喬枝



右宋九僧詩一冊出自吳門陸鏡箭先生秘篋
琳從王硯農徵士假得屬吳善甫手抄者按原
本續補篇什及摘句用朱筆竊為既已注明見
某書更不須朱墨之別間有詩中之缺文異同
題外之附記逸聞向所遺漏賴前輩精博好古
略備於是其功非淺至於字之點畫必欲一依
宋本是所不論但正其誤謬而已道光廿年天
貺節前二日吳江孫靈琳伯貢父識于十二夫
容方丈

